

ԿՐԹՈՒԹՅԱՆ ԶԱՐԳԱՑՄԱՆ ԵՎ  
ՆՈՐԱՐԱՐՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ


ԱՌԱՐԿԱ՝ ՀԱՅՈՑ ԼԵԶՈՒ  
ԴԱՍԱՐԱՆ՝ 7  
ՀԵՂԻՆԱԿ՝ ԱՆԱՀԻՏ ՀՈՎՀԱՆՆԻՍՅԱՆ  
2021թ.

# Գրավոր աշխատանքներ

## Դաս 6, Ձևավորող գնահատում

### 1. Դասակարգի՛ր:


Տրված բառախմբից առանձնացրո՛ւ անձնանիշ և իրանիշ գոյականները՝ գրելով դրանք համապատասխան սյունակներում:



Անձնանիշ գոյականներ	Իրանիշ գոյականներ

### 2. Տարբերակի՛ր, լրացրո՛ւ:

Ծաղկաթերթերի ներսում գրի՛ր հասարակ անուններն անվանող ընդհանրական անուններ և թվարկի՛ր, օրինակ՝ *գրենական պիտույքներ՝ մատիտ, ռետին, քանոն:*



### 3. Գրի՛ր, բացատրի՛ր:

Անհրաժեշտ տեղում գրի՛ր մեծատառով: Բացատրի՛ր ընդգծված բառակապակցությունների ուղղագրական կանոնները:

Խոսքով երկրորդ, արևելյան ալպեր, արա գեղեցիկ, չինաստանի ժողովրդական հանրապետություն, ամերիկա աշխարհամաս, գեղարքունիքի մարզ, ադրիատիկ

ծով, սուրբ դագար կղզի, նոբելյան մրցանակ, միավորված ազգերի կազմակերպություն:

**4. Կիրառի՝ր:**

Հորինի՝ր փոքրիկ տեքստ՝ կիրառելով բաղադրյալ հատուկ անունների ուղղագրությանը պատկանող տարբեր կանոններ (50-60 բառ):

**Դաս 12, Թեմատիկ աշխատանք 1**

**1. Տարբերակի՝ր:**


Տրված տեքստից առանձնացրո՝ւ ընդգծված իրանիշ գոյականները և դասակարգի՝ր՝ ըստ իմաստային հատկանիշների ներքոբերյալ աղյուսակում:

1.Բելիզի ափին գտնվող հսկայական ստորջրյա սողանքը ունի ավելի քան 300 մետր տրամագիծ և 124 մետր խորություն: 2. Ցեխային ամպրոպները առաջանում են, երբ կայծակը խփում է հրաբխի ժամանակ: 3.Կանադական այս լճում են գտնվում մագնեզիումի, սուլֆատի, կալցիումի և նատրիումի համաշխարհային ամենամեծ պաշարները: 4. Արիստոտելն առաջին անգամ սահմանեց, որ ծառերը, թփերը, ծաղիկները կենդանի օրգանիզմներ են, որոնք ընդունակ չեն տեղաշարժվելու:

Իմաստային հատկանիշներ	Իրանիշ գոյականներ

**2. Անվանի՝ր, թվարկի՝ր:**

Այս ծառի ճյուղերին տո՝ւր հասարակ անուններն անվանող ընդհանրական անուններ, իսկ օրինակները թվարկի՝ր տերևների տեսքով (յուրաքանչյուրից 2 օրինակ):



**3. Դասակարգի՛ր, ճի՛շտ գրիր ուղղագրական բառերը:**

ա. Կարդա՛ տեքստը և ներքոբերյալ աղյուսակում դո՛ւրս գրիր անձնանիշ և իրանիշ 5-ական գոյական:

բ. Անհրաժեշտ տեղում հատուկ անունները գրի՛ր մեծատառերով:

Անակնկալի եկած գորապետ բեշիրը շուտափույթ դուրս թռավ վրանից, իսկույն նեթ հեծավ յուր աշխետ ձին և սկսեց գոռգոռալ ու կարգի հրավիրել գորքերը: Ամպածածկ գուգարաց լեռնահովտի՝ կրակի ու սևագորշ մթության խառնուրդում չէր որոշվում՝ որոնք են հայերը, որոնք՝ հագարացիք: Թվաց՝ մի հսկա գորություն սեղմել է յուր գրկում հագարացոց բանակը: Նստած իր սևաթույր նժույզը՝ բեշիրը փորձեց փախչել յուր վրա հարձակվողներից, որոնց մեջ էր գոռ իշխանիկը, որ խիզախել էր մինչև գորապետի վրանը:

(ըստ Մուրացանի)

Անձնանիշ գոյականներ	Իրանիշ գոյականներ

**4. Անվանի՛ր:**

Նայի՛ր նկարներին և անուննե՛ր տուր նրանց այնպես, որ կիրառես բաղադրյալ հատուկ անունների ուղղագրական կանոնները:



1.



2.



3.



4.



5.



6.



7.



8.

### 5. Կազմի՝ր, կիրառի՝ր:

Կազմի՝ր տրված գոյականների հոգնակի թիվը:

Մեկ նախադասության մեջ կիրառի՝ր տրված գոյականներից երկուսը հոգնակի թվով:

- Բեռ-----
- լրագիր-----
- օրացույց-----
- սպի-----
- սյունաշար-----
- պատճեն-----
- խմբագիր-----

### 6. Ստեղծի՝ր:

Երեկ անմոռանալի օր ունեցար և որոշեցիր, որ կարելի է այդ օրվա իրադարձություններն ու ապրումները գրի առնել օրագրում: Նկարագրի՝ր քո օրը, բայց հիշի՝ր, որ շարադրանքիդ մեջ պետք է կիրառես հոդերի բոլոր տեսակները (50-60 բառ):

### Օրագիր

-----  
-----  
-----  
-----  
-----  
-----  
-----  
-----  
-----  
-----  
-----  
-----

## Դաս 19, Ձևավորող գնահատում 2

### 1. Ստուգի՛ր ինքդ քեզ:

Գրի՛ր այն ամենը, ինչ սովորեցիր գոյականի հոլովների մասին:

- 1.-----
- 2.-----
- 3.-----
- 4.-----
- 5.-----
- 6.-----
- 7.-----

### 2. Գծի՛ր մտաքարտեզ:

Ստեղծի՛ր գոյականի հոլովների մտաքարտեզ, որում սեղմ և հակիրճ կամփոփես այս թեմայի շուրջ սովորած գիտելիքներդ:

### 3. Ձևաբանորեն վերլուծի՛ր:

Տեքստի ընդգծված գոյականները ենթարկի՛ր ձևաբանական վերլուծության՝ նշելով 5 քերականական հատկանիշ:

Օրանջիայի ձորակում ամեն գարնան մասրենիներն են ծաղկում, բացվում են վայրի վարդերը՝ դեղին, սպիտակ: Երբ գարուն է լինում, տաքանում են Օրանջիայի քարերը և խլեզները, փորի մաշկը դեղին, պատկում են տաք քարերին, լեզուները հանում:

Այն ժամանակ, երբ շեն էր Մանասի խրճիթը, Օրանջիայի ձորակում մասրենիներ չկային, տան պատերի վրայով երկչոտ խլեզներ չէին վազվզում, վայրի վարդերի տեղ քոստանում վարունգն էր ծաղկում:

Մի բարակ արահետ Օրանջիայի ձորակը միացնում էր գյուղի հետ: Այժմ այդ արահետն էլ չկա:

(Ա. Բակունց)

**4. Կիրառի՝ր:**

Դու դասընկերներիդ հետ գնացել ես ժամանակակից արվեստի պատկերասրահ. որոշել եք, որ ձեզանից յուրաքանչյուրը պատկերասրահի մեկ լուսանկար կմեկնաբանի:

Գրի՝ր այս նկարի մեկնաբանությունը, կիրառի՝ր նոր սովորած գիտելիքներդ:



**Դաս 25, Թեմատիկ աշխատանք 2**

**1. Կազմի՝ր, տարրերի՝ր:**

**ա. Կազմի՝ր տրված բառերի հոլովական ձևերը:**

*Դարակ, խնամի, տարի, դուստր, ձյուն, մարդ, ծնունդ, երևակայություն:*

- Ուղղ. -----
- սեռ. -----
- տր. -----
- հայց.-----
- բաց.-----
- գործ.-----
- ներգ.-----

**բ. Վերոբերյալ շարքի ո՞ր գոյականներն են, որ չունեն ներգոյական հոլով. գրի՝ր այստեղ -----:**

**գ. Ո՞ր գոյականներն են, որ պատկանում են այլաձև հոլովման. գրի՝ր այստեղ-----**

**դ. Ո՞ր գոյականն ունի զուգաձև հոլովում. գրի՝ր այստեղ -----:**

**2. Տեղադրի՝ր, որոշի՝ր:**

**Փակագծերում տրված բառերը տեղադրի՛ր համապատասխան հոլովով և գրի՛ր, թե որ հոլովով գործածեցիր:**

Անտառապատ (**բլուրներ**) վրա ու անդնդախոր (**ձորեր**) շրջում էր արու եղջերուն: Եղջերունների հասարակության մեջ ընդունված չեն անուններն ու մականունները, այլապես արու եղջերուի ծնողները անմեղ (**փառասիրություն**) հավանաբար նրա անունը «Անհաղթ», «Քաջ» կամ դրա նման մի բան կդնեին, իսկ մեծանալուց հետո ծանոթ եղջերուները նրան կկոչեին «Կարծրասմբակ»...

Բլուրների վրա ու ձորերում շրջում էր Կարծրասմբակը, կարծր (**սմբակներ**) քանդում անցյալ տարվա (**խաշամ**) ու խոնավ (**գետին**), ձնհալի ջուր խմում ու ճաշակում առաջին սեզր:

Դեռ ցուրտ էր: Ցուրտը (**լեռ**) գագաթի սպիտակ (**փափկություն**) կողմից էր գալիս ու (**եղյամ**) ծածկում Կարծրասմբակի դունչն ու կուրծքը: Բայց օդի մեջ ինչ որ անիմանալի դող կար, մի քացր մրմուռ, զարմանալի մի հեք, որ նա չէր հասկանում, բայց զգում էր երակներում...

(Խ. Գյուլնազարյան)

**3.Ձևաբանորեն վերլուծի՛ր:**

**Տեքստի ընդգծված գոյականները ենթարկի՛ր ձևաբանական վերլուծության՝ նշելով 5 քերականական հատկանիշ:**

Արահեան օձապտույտ ոլորվում էր: Ինչքան հեռանում էինք գյուղից, այնքան ավելի խտանում էր անտառը, հանդիպում էինք հաստաբուն ծառերի, որոնց ճյուղերն իրար էին խառնվել և կախվել արահետի վրա: Հաճախ էինք կռանում թամբից, գրկում ձիու վիզը, որպեսզի կախ ընկած ճյուղերը չքերծեին մեր դեմքը, և փշերը չծակծկեին: Լուռ էինք: Ես մտրակի ծայրով զարկում էի ծառերի տերևներին, պոկում տերևները կամ թափահարում ծառի կախ ընկած ճյուղերը, և գիշերվա ցողը անձրևի նման թափվում էր ձիու վրա, ինձ վրա: Ընկերս կամաց սուլում էր մի երգ:

(Ա. Բակունց)

**4.Մեկնաբանի՛ր նկարը:**

**Նայի՛ր նկարին և հորինի՛ր փոքրիկ պատմություն: Վերնագրի՛ր պատմությունը այնպես, որ գործածես ներգոյական հոլով (50-60 բառ):**





## 5. Քննադատի՝ր:

Սոցիալական ցանցերում քո ընկերները քննարկում են կենդանիների նկատմամբ մարդկանց վայրագ վերաբերմունքը:

Պատկերացրո՛ւ, որ այս պահին Ֆբ-ում գրառում ես անում: Գրի՛ր քո կարծիքը 2-3 նախադասությամբ: Միտքդ շարադրի՛ր գրագետ և համակարգված: